

Ժողովուրդ

113
(2779)

3 օգոստոսի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԳԱՏԱԽԱԶՆԵՐԸ ՉԵՆ ԼՌԵԼՈՒ



ՀՀ Կոտայքի եւ Արմավիրի մարզերի դատախազները չեն պատրաստվում լռել: «Ժողովուրդ» օրաթերթին հասած տեղեկությունների համաձայն՝ դատախազները դիմելու են Սարգոյի իրավունքների եվրոպական դատարան:

ArmLur.am-ը գրել էր, որ ՀՀ գլխավոր դատախազությունը գաղտնալսել է մարզի դատախազներին, որի արդյունքում աշխատանքից ազատեց Արմավիրի մարզի դատախազ Աշոտ Մարտիրոսյանին եւ Կոտայքի մարզի դատախազ Ապրես Գրիգորյանին:

«Ժողովուրդ» օրաթերթը գրել էր, որ ուժային կառույցները Հայաստանում աշխատում են գաղտնալսման պայմաններում: Իսկ ի՞նչ են լսել իրավապահները երկու դատախազներին գաղտնալսելիս: Արմավիրի դատախազ Աշոտ Մարտիրոսյանին եւ Կոտայքի դատախազ Ապրես Գրիգորյանին լսելիս պարզել են, որ դատախազները ներստած խոսել են, քննադատել ու տարբեր կարծիքներ արտահայտել Արմավիրի դատախազ Վահան Սարգսյանի եւ գլխավոր դատախազ Աննա Վարդապետյանի մասին:

Այս ներքին քննարկումն էլ ճակատագրական է դարձել երկու դատախազների համար, ու նրանց լիազորությունները գլխավոր դատախազ Աննա Վարդապետյանը դադարեցրել է ու սկսել ծառայողական քննություն: Սակայն այսքանով Դատախազությունում «վիուկների որս» ու ներքին պառակտումները չեն ավարտվել: Մեզ հասած տեղեկությունների համաձայն՝ անգամ ԱԱԾ-ն այս գաղտնալսման արդյունքում մտել է Կոտայքի ու Արմավիրի մարզերի դատախազություն, դատախազներին պառակտելու գետնին ու սկսել գործողություններ: Այստեղ էլ հասունացել է դրամայի երկրորդ մասը. Արմավիրի մարզի դատախազ Վահան Սարգսյանի գործելաճոճը դատախազների մոտ սկսել է քննարկվել Սերժ Սարգսյանի գործը քննող դատախազ Արսեն Մարտիրոսյանի, Ռոբերտ Քոչարյանի գործը քննող դատախազ Պետրոս Պետրոսյանի հետ ունեցած խոսակցությունների ժամանակ: Նրանք ոչ այդքան հաճելի կարծիքներ են արտահայտել Արմավիրի մարզի դատախազ Վահան Սարգսյանի, ինչպես նաեւ գլխավոր դատախազ Աննա Վարդապետյանի մասին: Այսպիսով, դատախազները ներքին միջանձնային խոսակցության համար ազատվել են աշխատանքից:

Այլ կերպ ասած, Հայաստանը վերածվել է գաղտնալսումների երկրի, որտեղ քաղաքական իշխանությանը ընդդիմացողների խոսքի ազատությունը ոտնահարվում է. անգամ գաղտնի չեն կարող խոսել դատախազները:


«Ժողովուրդ» օրաթերթը պաշտոնական աղբյուրներից տեղեկացավ, որ քրեական ենթամշակույթի դեմ պայքարող հեղափոխական իշխանությունները վերջերս կալանքից ազատել են մի քանի «օրենքով գողերի», որպեսզի նրանք Երեւանի ավագանու ընտրություններում ԶԳ-ի համար աշխատեն: Քրեական աստիճանակարգով ամենաբարձր տիտղոս ունեցող «օրենքով գողերի» մեջ, սակայն, ներքին անհասկացվածություն կա այս թեմայով: Երբ 2018 թվականին Հյուսիսային պողոտայում վիճաբանություն էր եղել նրանց մեծ խմբի միջեւ, քրեական աստիճանակարգում բարձր տեղ զբաղեցնողները միմյանց խոստացել են, որ այլեւս քաղաքական որեւէ գործընթացի, որեւէ ընտրության չեն մասնակցի: Եւ հիմա «գողականների աշխարհում» քննարկումներ են. եթե պետք է կանգնել որեւէ թեկնածուի կողքին, սատարել որեւէ մեկին, նա չի կարող լինել իշխանության թիմից: Ծիշտ կլինի, որպես միակ իսկական երեւանցի տղա, քննարկել Վիկտոր Մաքսականյանին սատարելու հարցը, որը ամենաապաքաղաքական թեկնածուն է, որեւէ կուսակցության հետ չի ասոցացվում, միայն մայրաքաղաքի խնդիրներից է խոսում: Բայց դեռ վերջնական որոշման չեն հանգել այդ աշխարհում, թե որն է ճիշտը: Հավելենք, որ կալանքից ազատված եւ տնային կալանքի ռեժիմում գտնվող «օրենքով գողերից» մեկը Սուրեն Ավետիսյանն է՝ լեւինականցի Սուրոն, մյուսը՝ Արտյոմ Ղազարյանը՝ «օրենքով գող» Զապի քրոջ որդին, եւ էլի 2-3 «օրենքով գողեր», որոնց անունները ճշտվում են:



2 023 թվականի հուլիսի 1-ից 31-ը ՀՀ Ազգային ժողովի 2023թ. կարիքների համար պատվիրակությունների ընդունման եւ արտասահմանյան այցելությունների կազմակերպման համար կոնյակների եւ ձեռք բերել խորհրդարանում վճարելով 3 մլն 872 հազար դրամ: Գնումը կատարված է «Վիտո Վին» ՍՊԸ-ից, որի սեփականատեր Տիգրան Համասյանը Պեռնո Ռիկարի հետ կապ ունի: Նկատենք, որ ապրիլին նույն կազմակերպությունից գնվել են 10 մլն 752 հազար դրամ ընդհանուր արժեքով կոնյակներ: Նույն թվականի հունիսի 1-ից 30-ը ընկած հատվածում Ազգային ժողովը պաշտոնական պատվիրակությունների ընդունելության եւ արտասահմանյան այցելությունների կազմակերպման համար նաեւ օդիների է ձեռք բերել մոտ մեկ միլիոն դրամ 959 հազար վճարելով «Նոաս Օրջարդս Դիսթիլինգ Քոմպանի» ՍՊԸ-ին: Այսինքն՝ այն մեղադրանքները, որոնք Նիկոլ Փաշինյանն ու իր թիմակիցները հնչեցնում էին նախկինների եւ պետական տարբեր կառույցների հասցեին, որ մխտում են պետական բյուջեն, անարդյունավետ ճոխ ծախսեր են արվում, բնորոշ են նաեւ իրենց:



Այսօրվանից մեկնարկում է աշնանը սպասվող ավագանու ընտրություններին մասնակցող կուսակցությունների եւ կուսակցությունների դաշինքների առաջադրման պաշտոնական գործընթացը, որը կտեւի 10 օր, կավարտվի օգոստոսի 13-ին: Ավագանու ընտրություններին մասնակցելու ցանկացող քաղաքական ուժերը եւ դաշինքները 10-օրյա ժամկետում ԿԸՀ պետք է ներկայացնեն գրանցման համար անհրաժեշտ փաստաթղթերը: Օգոստոսի 23-ից էլ արդեն կմեկնարկի նախընտրական քարոզարշավը. Երեւանը կհեղեղվի նախընտրական պաստառներով, իսկ քաղաքապետի թեկնածուները երեւանցիներին վերամբարձ խոստումներ կտան ու «սեր կխոստովանեն»: Նախընտրական քարոզարշավը կավարտվի սեպտեմբերի 15-ին: Նշենք, որ դեռ ոչ բոլոր ուժերն են հաստատել իրենց մասնակցությունը ավագանու ընտրություններին:



ԶՐՈՒՅՑ

ՄԵՏԱՔԱՆ ԸՆԿՈՒՅՄՆԵՐ ԻՐԱՎԻՃԱԿԻ ՄԱՍԻՆ

«Ժողովուրդ» օրաթերթը Արցախում ստեղծված հումանիտար ճգնաժամի վերաբերյալ գրուցել է Արցախի Ազգային ժողովի դասգամավոր Մեսաբեհ Հակոբյանի հետ:

-Ի՞նչ իրավիճակ է այժմ Արցախում, տիպիկ Չակոբյան:

-Իրավիճակը ընդհանուր առմամբ պարզապես հնարավոր չէ հստակ ներկայացնել, քանի որ շատ արագ փոփոխություն է տեղի ունենում եւ դեպի վատը: Ընդամենը րոպեների ընթացքում տեղի են ունենում անասելի փոփոխություններ: Կոնկրետ հումանիտար առումով, եւ չգիտեմ, սրանից ծանր էլ ինչ պիտի լինի: Արդեն կան ընտանիքներ, որոնցից մեկը նաեւ իմ ընտանիքն է, որոնք հաց գնել են երկու օր առաջ: Այսինքն՝ մենք ամենաքիչը հացի խնդիր ունենք՝ կապված վառելիքի հետ, եղանակային պայմանների հետ. ցորենը չի հասցրել չորանա: Բավական մեծ թվով արտադրամասեր փակվել են այլուր ջունենալու պատճառով: Կոնկրետ այն փողոցը, որտեղ ես եմ ապրում, այստեղ հացի ընդամենը մեկ արտադրամաս կա, որը երեկ երեկոյան արդեն չէր աշխատում: Փաստորեն, մի ամբողջ մեծ թաղամաս հաց գնելու հնարավորություն արդեն չունի: Մնացած ապրանքների մասին խոսելն արդեն անիմաստ է, եւ չենք էլ խոսում, որովհետեւ պարզապես չկա: Չկա կաթնամթերք, բանջարեղեն կարելի է հանդիպել հազվադեպ, այն էլ՝ շատ բարձր գնով՝ կապված եղանակային պայմանների եւ մի շարք այլ խնդիրների հետ: Բնակչության մեծ մասը դա ձեռք բերել պարզապես ի գորու չէ: Մենք անհասկանալի ձեւով դեռեւս գոյատևում ենք: Կարծում եմ սա նաեւ փոխօգույթյան գործոնի առկայությունն է: Ցավոք, ես ինքս ակնատես եմ եղել, որ մարդիկ մեկ հացը բաժանել են երկու ել ավելի անձանց միջեւ, պարզապես որպեսզի երեխաները ունենան հնարավորություն տանը մի կտոր հաց ուտելու: Առողջապահությունը ամենավատ վիճակում է գտնվում: Դեղատների մեծ մասն արդեն իսկ դատարկ է:

Առաջին անհրաժեշտության դեղորայքը՝ հակաբորբոքայիններ, ջերմիջեցնողներ եւ այլն, ուղղակի բացակայում են, չկան:

-Տիկին Հակոբյան, իսկ հումանիտար բեռների մասին ի՞նչ կատեք, որոնք ու-



ղարկվել են Արցախ. ադրբեջանական կողմը չի թողնում Կոռնիձորից առաջ անցնելն բեռները:

-Մենք քանի որ ֆիզիկապես այդ ամենը տեսնելու հնարավորություն չունենք, մենք էլ ենք մամուլից տեղեկանում, թե ինչ է կատարվում, եւ որ այսօր ես երկու մեքենա է միացել շարասյանը, բայց տեսնելով Ադրբեջանի դիրքորոշումը՝ հասկանալի է դառնում, որ նրանք, միեւնույնն է, չեն թողնելու, որ այս ամենը մուտք գործի Արցախ:

-Տիկին Հակոբյան, ադրբեջանական կողմը արդեն երկրորդ անգամ քաղաքացու է առեւանգում:

-Այդ ուղղությամբ առավել ակտիվ աշխատում է Մարդու իրավունքների

պաշտպանը, որի հետ ես անընդհատ կապի մեջ եմ. ահռելի աշխատանք է կատարում՝ եւ անընդհատ կապի մեջ է թե՛ միջազգային կառույցների հետ եւ թե՛ հայաստանյան շահագրգիռ կազմակերպությունների հետ, ինչպես նաեւ, իր իսկ հավաստմամբ, Հայաստանի Հանրապետությունում մարդու իրավունքների պաշտպանի հետ: Երեկ ես կոնկրետ մի հարցադրումով եմ խոսել իր հետ. արդյոք վատն է, որ Վազիֆ Խաչատրյանը կենդանի է: Ինձ մոտ առաջին հարցը, որ առաջացել է, եղել է՝ կապված այն հանգամանքով, որ այն ախտորոշումը, որը տրված էր նրան, բավականին լուրջ էր, եւ այդ ամենը մինչեւ Բաքու է հասել:

Զրուցեց ՔՐԻՍՏԻՆԱ ՄՈՒՆԵՐՅԱՆԸ

ՔՆՆԱՐԿԵԼ ԵՆ

«Սյունիքի մարզպետ պարոն Ռոբերտ Ղուկասյանի հետ քննարկեցինք Ֆրանսիայի հետ տնտեսական, մշակութային, առողջապահական ոլորտներում, ինչպես նաեւ Հայաստանի տարածքի ռազմավարական կարեւորություն ունեցող այս մարզի հետ ապակենտրոնացված համագործակցության հեռանկարները»,- «Թվիթեր»-ի իր միկրոբլոգում գրել է Օլիվիե Դըկոտիյին:

ԿԱՅԱՑԵԼ Է

Առողջապահության նախարար Անահիտ Ավանեսյանի գլխավորությամբ կայացել է Առողջապահության եւ աշխատանքի տեսչական մարմնի խորհրդի արտահերթ նիստը. հայտնում են ԱՆ-ից: Օրակարգի գլխավոր հարցը տեսչական մարմնի խորհրդի ղեկավարի թեկնածության առաջադրումն էր: Խորհուրդը ներկայացրել է Սլավիկ Սարգսյանի թեկնածությունը, որը տեսչական մարմնի ղեկավարի տեղակալն էր եւ 2022 թվականի նոյեմբերից ղեկավարի պաշտոնակատարը: 6 ամսվա աշխատանքների մասին Սլավիկ Սարգսյանի ամփոփ հաշվետվությունը լսելուց հետո, նրա բացակայությամբ, Նորից մանրամասն քննարկվել է նրա թեկնածությունը, որից հետո խորհուրդը միաձայն որոշում է կայացրել վարչապետին ներկայացնել Սլավիկ Սարգսյանի՝ Առողջապահության եւ աշխատանքի տեսչական մարմնի ղեկավարի պաշտոնում նշանակվելու թեկնածությունը:

ՎԻՃԱԿԸ

ԱՊԱՏՏԱՐԱՆՆԵՐՈՒՄ

Երեւանի Մալաթիա-Սեբաստիա վարչական շրջանում բնակիչների մեծ մասն անգամ իրազեկված չեն՝ օդային տազնապի դեպքում որտեղ պետք է ապաստանեն. ասում են, որ շենքերի մուտքերի մոտ թռուցիկների չեն հանդիպել, որպեսզի տեղեկանան՝ որտեղ պետք է պատասպարվեն վտանգի դեպքում:

Բնակիչները ելքադրում են, որ, որպես ապաստարան, պետք է օգտագործվեն շենքերի նկուղները:

«Ժողովուրդ» օրաթերթը եղել է Մալաթիա-Սեբաստիա վարչական շրջանի մի քանի շենքերում եւ արձանագրել, որ շենքերի նկուղներն ամփոփաբար վիճակում են:

Նախ՝ դրանք կողպված են, իսկ ներսում աղբ է, լուսավորություն չկա, ուստի անհնար է պատկերացնել, թե ինչպես դրանք կարող են որպես ապաստարան օգտագործվել:

Հետաքրքիր է՝ ինչով են զբաղված քաղաքային իշխանությունները, Մալաթիա-Սեբաստիա վարչական շրջանի ղեկավար Արման Բարխուդարյանը, որ չեն կարողանում անգամ բնակիչների անվտանգությունն ապահովել. պատերազմական վիճակում գտնվող մեր երկրում ապաստարանները կարգի չեն բերում ու բնակիչներին պատշաճ ձեւով չեն իրազեկում անվտանգության կանոնները:

«Ժողովուրդ» օրաթերթը կապ հաստատեց նաեւ Մալաթիա-Սեբաստիա վարչական շրջանի ղեկավար Արման Բարխուդարյանի հետ, որպեսզի պարզի՝ ինչու այս հարցերով չեն զբաղվում: Վերջինս հայտնեց, որ վարչական շրջանում պարբերաբար տեղեկատվական թռուցիկներ փակցվում են, սակայն դրանք հաճախ պոկվում են:

ՔՐԻՍՏԻՆԱ ՄՈՒՆԵՐՅԱՆԸ

ՏՎՅԱԼՆԵՐ

ՔՊ-ԱԿԱՆ ՊԱՏՏԱՐԱՆՎՈՐԻ ՈՒՆԵՑՎԱԾՔԸ

«Քաղաքացիական դայմանագիր» խմբակցության դասգամավոր Արուսյակ Ջուլիակյանը Ազգային ժողովի 8-րդ գումարման խորհրդարանի դասգամավոր է ընճրվել 2021 հունիսի 20-ին:

Ըստ պատգամավորի հայտարարագրի՝ նրա հետ համատեղ բնակվող անձինք նրա ծնողներն են, իսկ ամուսինն այդ հայտարարագրում չկա: Նա չի հայտարարգրել որեւէ անշարժ գույք եւ տրանսպորտային միջոց, սակայն Ջուլիակյանը վատ ֆինանսական միջոցներ չի հայտարարագրել:

Նրա պարտքային եւ այլ արժեթղթերը կազմել են 10 մլն եւ 10 հազար դոլար, հանձնված եւ վերադարձված փոխառությունները կազմել են 22 մլն 715 հազար դրամ, որից 19 մլն 114 հազար դրամը բնակարանի հիպոտեկի մնացորդ գու-

մարն է: Բանկային հաշիվների մնացորդները տարեվերջին կազմել են 7 մլն 026 հազար դրամ եւ 330 դոլար, իսկ կանխիկ դրամները՝ 9 հազար դոլար: Հաշվետու տարվա եկամուտները կազմել են 9 մլն 765 հազար դրամ, որից 7 մլն 998 հազար դրամը աշխատանքի վարձատրություն է Ազգային ժողովի աշխատակազմից:

Պատգամավորի հետ համատեղ բնակվող հայրը՝ Թովմաս Ջուլիակյանը, որպես դասախոս աշխատում է Ճարտարապետության եւ շինարարության Հայաստանի ազգային համալսարանում: Համալսարանից նա ստանում է տարեկան 1 մլն 457 հազար դրամ աշխատանքի վարձատրություն, իսկ որպես կենսաթոշակ՝ 960 հազար դրամ: Իսկ նրա հետ համատեղ բնակվող Մարիետտա Պողոսյանը նույն համալսարանում աշխատում է որպես լաբորատորիայի վարիչ: Աշխատանքի վար-

ձատրության դիմաց նա ստանում է 958 հազար դրամ, իսկ որպես կենսաթոշակ՝ 780 հազար դրամ: Պետրոսյանը հայտարարագրել է բնակարան Նոր Նորք վարչական շրջանում, որը գնվել է 1994 թվականին:

Ըստ Ջուլիակյանի՝ մեծամասնական ընտրակարգը չարիք է: «Այն կարված էր «Հանրապետական» իշխանության համար եւ կարված էր նրանց իշխանությունը հավերժացնելու համար: Սա «տասովչիկների» ընտրական համակարգ է, եւ այս չարիքն օր առաջ պետք է մեզ մոտ չեղարկվի»: այս հայտարարությամբ 2021 թվականին Ազգային ժողովում հանդես է եկել Ջուլիակյանը: Առաջիկայում Երեւանի ավագանու ընտրություններն են. տեսնենք՝ հենց այդ ընտրական համակարգն ինչ նոր գործողություններ կծավալի:

ԷՄՍԱ ՄԻՔԱՅԵԼՅԱՆ

ՓԱՍՏԵՐ Է ՆԵՐԿԱՅԱՅՐԵԼ



Կարմիր խաչի միջազգային կոմիտեի հովանու ներքո Հայաստան բուժական նպատակով տեղափոխվող 68-ամյա քաղաքացու Ադրբեջանի կողմից առևանգվելու դեպքի առնչությամբ Մարդու իրավունքների պաշտպան Անահիտ Մանասյանը հուլիսի 29-ից մի շարք քննարկումներ է ունեցել միջազգային գործընկերների և տարբեր կառույցների ներկայացուցիչների հետ:

«Ժողովուրդ» օրաթերթը տեղեկանում է ՀՀ ՄԻՊ-ի գրասենյակի տարածած հաղորդագրությունից, որ նրանց են ներկայացվել ուսումնասիրությունների արդյունքները, որոնց համաձայն՝ Վազիֆ Խաչատրյանի նկատմամբ միջազգային հետախուզական որոնք համակարգում առկա չէ վերջինիս հետախուզման վերաբերյալ տվյալ, իսկ անձի հիմնարար իրավունքներին ոչ իրավաչափ միջամտությունը տեղի է ունենում միջազգային իրավական երաշխիքների և չափանիշների խախտմամբ:

Համապատասխան նամակներ են ուղարկվել մարդու իրավունքների պաշտպանության մանդատ ունեցող միջազգային հեղինակավոր կառույցներին: Այդ ուղղությամբ միջազգային գործընկերների հետ իրականացվող աշխատանքները շարունակվում են, ձեռք են բերվում նոր տվյալներ:

Անահիտ Մանասյանը հանդիպել է նաև առևանգված քաղաքացու հարազատների հետ, որոնց ներկայացվել են իրականացվող, սակայն հրապարակման ոչ ենթակա աշխատանքների մանրամասները:

Պաշտպանը նշում է, որ Վազիֆ Խաչատրյանը միջազգային մարդասիրական պաշտպանության տակ գտնվող անձ է, ով ԿԵՄԿ հովանու ներքո Հայաստան էր տեղափոխվում բուժում ստանալու նպատակով: Ուստի, վերջինիս առևանգումն Ադրբեջանի սահմանապահ ծառայողների կողմից միջազգային մարդասիրական իրավունքի կոպիտ խախտում է:

Մարդու իրավունքների պաշտպանն արձանագրել է դեպքեր, երբ սոցիալական ցանցերում, մասնավորապես՝ տեղեկարմայն ալիքներում, հղրբեջանցիների կողմից թիրախավորվել են Վազիֆ Խաչատրյանի հարազատները, այդ թվում՝ անչափահաս, ինչը խիստ անընդունելի է դատապարտելի է: Պաշտպանն ընդգծում է, որ այս երեւույթը Ադրբեջանի կողմից վարվող հայատյացության քաղաքականության ևս մեկ ապացույց է:

ԱՌԵՎԱՆԳՈՒՄ

ԱԴՐԲԵՋԱՆՆ ԾԳՏԱԳՈՐԾԵ՛Ղ Է ԿԵՄԿ-ԻՆ

ՄԻԵԳ-ում հայ ռազմագերիների ըստերի ներկայացուցիչ Սիրանուշ Մահալյանը չի բացառում, որ Ադրբեջանի կողմից արցախցի Վազիֆ Խաչատրյանի առևանգումը մարդու իրավունքների ճեղքանկունից արսակարգ համճում է, որը խախտում է անձնական ազատության իրավունքը, սվյալ մարդուն խոստանումների վստահ առաջ է կանգնեցնում, բացառում է արդար դատաբանությունը: Սիրանուշ Մահալյանը չի բացառել նաև այն սարբերակը, որ Ադրբեջանն օգտագործել է Կարմիր խաչի միջազգային կազմակերպությանը՝ Վազիֆ Խաչատրյանին առևանգելու համար:

Այս մասին Սիրանուշ Մահալյանն ասաց օգոստոսի 2-ին լրագրողների հետ հանդիպմանը:

Նրա համոզմամբ՝ միջադեպը դժվար է տեղավորվում միջազգային իրավունքի տրամաբանության մեջ: «Միջազգային իրավունքը, իհարկե, ունի քրեական ոլորտում համագործակցության մեխանիզմներ, որոնք խիստ կարևոր են ու նպաստում են, որ հանցագործները կանգնեն արդարադատության առաջ, և կանխվի նրանց փախուստն արդարադատությունից: Դրա համար միջազգային իրավունքում կան հանձնման, արտահանձնման և փոխանցման գործիքներ, որոնց հասցեատեր կարող են լինել պետությունները: Եթե Ադրբեջանը կարծում էր, որ Վազիֆ Խաչատրյանը հանցագործ է, ապա այդ հանցագործին տերիտորիալ յուրիսդիկցիա կարող էր բերել միջազգային քրեական իրավունքի համագործակցության ճանապարհով՝ Արցախի, Հայաստանի իշխանությունների, Ռուսաստանի Դաշնության և, ինչու ոչ, Ինտերպոլի հետ համագործակցությամբ», - նշեց նա և հավելեց՝ Ադրբեջանը ոչ արժանահավատ մեկնաբանություն է տվել, որ տվյալ անձը գտնվել է միջազգային հետախուզման մեջ, ինչը հերքվեց նաև ՀՀ մարդու իրավունքների պաշտպանի կողմից: Սահալյանի խոսքով՝ Ադրբեջանը ոչ թե գնացել է իրավական գործընթացներում համագործակցելու ճանապարհով, այլ, նախապես տեղեկանալով, որ իր կողմից ցանկալի անձ է ճանապարհորդելու, որն էլ ինֆորմացիա չի տրամադրել Կարմիր խաչին և Կարմիր խաչի մարդասիրական առաքելության միջոցով արհեստավորված ռեզուլտատները:



տակախորեն Վազիֆ Խաչատրյանին Արցախի իշխանության յուրիսդիկցիայից խաբեությամբ բերել է Ադրբեջանի յուրիսդիկցիա, որտեղ արդեն կամայական գործելակերպով ձերբակալել է: Ըստ Մահալյանի՝ երկրորդ տարբերակն այն է, որ ի սկզբանե Ադրբեջանը նման տեղեկատվություն չի տրամադրել Կարմիր խաչին և Կարմիր խաչին օգտագործել է իր խնդիրը լուծելու նպատակով: Մահալյանը կարծում է՝ Կարմիր խաչը կարող էր շատ կոշտ արձագանքի դեպքում տեղում միջադեպը կանխել՝ էսկալացնելով խնդիրը մինչև բարձր օդակներ, այսինքն՝ միջադեպի վաղ փուլից այդ հարցի մասին պետք է տեղեկանային կենտրոնական մարմինները: «Մենք չունենք պարզաբանում, որ Կարմիր խաչը հենց ձերբակալման վտանգը հասկանալու պահից ձեռնարկել է անհրաժեշտ համալիր բոլոր գործողությունները, որպեսզի միջազգային բարձր օդակների ներգրավվածությամբ, նրանց ճնշման ներքո միջադեպը կանխվեր: Եթե նույնիսկ այդ պահին բացահայտ կամայական են գործել Ադրբեջանի իշխանությունները նաև Կարմիր խաչի մանդատի նկատմամբ, Կարմիր խաչը պարտավոր էր ոչ թե փաստերի շուրջ մեկնաբանություն տալ, այլ արձագանքել Կարմիր խաչի գործունեության խոչընդոտների ու Կարմիր խաչի օգտագործման ռիսկերի, վտանգների մասին՝ կոչ անելով ավելի կոշտ գործիքակազմ ունեցող կառույցներին աջակցել Կարմիր խաչի մանդատին և ձեռնարկել գործուն քայլեր՝ կանխելու իրենց գործունեության խոչընդոտները», - վստահեցրեց նա:

Սիրանուշ Մահալյանը ենթադրում է՝ Կարմիր խաչն անընդհատ վախեցած է ադրբեջանական արձագանքներից, և Ադրբեջանը տակտիկական նկատառումներով ռիսկեր է ստեղծում, սպառնում է, որ առիթասարակ անհնար կդարձնի Կարմիր խաչի գործունեությունն Ադրբեջանում, և նրանք գերագույնավոր դիրքերից են հանդես գալիս, որ ապահովեն իրենց շարունակական գործունեությունն Ադրբեջանում, ինչը, գուցե, արդարացված էր ավելի վաղ փուլում: «Ներկայումս տեսնում ենք, որ Կարմիր խաչը գրկված է խնդիրը լուծելու հնարավորությունից: Կառույցի մարդասիրական գործողությունների լիարժեք սպառվել է: Կարմիր խաչը գրկված է սնունդ մատակարարելուց, ինչի պատճառով մարդիկ սովամահ են լինում, թերսնուցումը մեծ առողջական խնդիրներ է առաջ բերում ու կյանքի անմիջական սպառնալիք դառնում արցախահայության համար»,- նշեց ՄԻԵԳ-ում հայ ռազմագերիների շահերի ներկայացուցիչ Սիրանուշ Մահալյանը: Ըստ Մահալյանի՝ Վազիֆ Խաչատրյանի առևանգումը հեռախոսային նպատակ է հետապնդում. բացի այն, որ անմեղ քաղաքացիների իրավունքներն ու շահերն է այս պահին անմիջականորեն շոշափում, այլև գործողություն է, որը հնազանդության կոչ է Արցախի իշխանություններին: «Շրջափակման պայմաններում մենք հասկանում ենք, որ եթե այդտեղ ֆիզիկական բնաջնջման ռիսկերն արդեն իրագործվում են, որպես փրկօղակ կարող է լինել հարկադիր տեղահանումը, որն ինքնին միջազգային հանցագործություն է, բայց այդ հանցագործության կատարմանը զուգընթաց մենք կարող ենք Լաչինի միջանցքով ուղի ապահովելու ճանապարհով ապահովել որոշ անձանց կյանքը, այսինքն՝ հարկադիր իրենց բնակավայրը լքելու, ինքնուրույն փոխելու ճանապարհով արցախցիների մի մասն առնվազն կարող էր Հայաստան տեղափոխվելու ճանապարհով իր հետագա կյանքը կառուցել Հայաստանում կամ աշխարհի այլ հատվածում: Միջանցքը վերահսկվում է ադրբեջանցիների կողմից, որտեղ մարդասիրական կամ խաղաղապահ առաքելություն իրականացնողները դարձել են անզոր: Ադրբեջանն այդ միջանցքով անցնելու ընթացքում կարող է ձերբակալել և կամայական գործողություններ իրականացնել ցանկացած անձի նկատմամբ, այդ թվում այս պահին Արցախում որոշում կայացնող քաղաքական և ռազմական ղեկավարության նկատմամբ:

ՕՐՎԱ ԽՃԱՆԿԱՐ

ՀԱՊԿ-Ը ԿՎԵՐԱԳԱՌՆԱՎ ԲՆՆԱՐԿՄԱՆԸ

ՀԱՊԿ-ը պատրաստ է վերադառնալ Հայաստանի և Ադրբեջանի սահմանին դիտորդական առաքելություն տեղակայելու հարցի քննարկմանը. կազմակերպությունը սպասում է երեւանի արձագանքին: Այս մասին «РИА Новости»-ին տված հարցազրույցում հայտնել է Ռուսաստանի ԱԳՆ ԱՊՀ երկրների առաջին վարչության տնօրեն Միքայել Աղասանդյանը:

Նրա խոսքով՝ Մոսկվայում համոզված են, որ «համապատասխան որոշումների ընդունումը դրական ազդեցություն կունենա ընդհանուր տարածաշրջանային իրավիճակի վրա»:

«Եվս մեկ անգամ շեշտեմ մենք պատրաստ ենք նման կառուցողական աշխատանքի», - հավելել է պաշտոնյան:

Նա նաև նշել է, որ ՀԱՊԿ-ը, ինչպես ցանկացած միջազգային կազմակերպություն, «կախարդական փայտիկ չէ», որով լուծվում է ցանկացած խնդիր:

ԳԻՏՈՐԳԱԿԱՆ ԿԱՅԱՆ՝ ԿԱՊԱՆՈՒՄ

Կապանում բացվել է Հայաստանում ԵՄ դիտորդական առաքելության գործառնական կենտրոն: Բացմանը մասնակցել են Սյունիքի մարզպետ Ռոբերտ Ղուկասյանը, Հայաստանում ԵՄ քաղաքացիական առաքելության ղեկավար Մարկուս Ռիտերը, ղեկավարի տեղակալ Յան Պլեշինդերը:

Ըստ Հայաստանում ԵՄ քաղաքացիական առաքելության ղեկավարի՝ Կապանից հետո մտադիր են բացել կենտրոններ Իջևանում և Եղեգնաձորում:

«Հաշվի առնելով ռազմավարական աշխարհագրական դիրքը՝ Կապանում գտնվող այս կենտրոնը կարևոր է ԵՄ առաքելության մանդատի տեսանկյունից: Կենտրոնը թույլ կտա, որ Սյունիքում և Կապանում անվտանգության իրավիճակի մասին զեկուցելը ավելի կանոնավոր», - ասել է Ռիտերը:

ԱՆԳՐԱԳԱՐՉ՝ ԻՐԱՎԻՃԱԿԻՆ

ՌԴ ԱԳՆ խոսնակ Մարիա Զախարովան երեկվա ճեպագրույցի ժամանակ անդրադարձել է Հայաստանի կողմից Արցախի Հանրապետություն ուղարկված հումանիտար բեռների խոչընդոտներին:

«Չնայած հումանիտար բեռների տեղափոխումը հայկական կողմից համաձայնեցված չի եղել Ադրբեջանի հետ, ռուս խաղաղապահները ակտիվորեն ներգրավվել են՝ երկու կողմի միջև կոնտակտ կայացնելու և հարցի լուծման ուղղությամբ», - նշել է Զախարովան՝ շեշտելով, որ այս թեմայի շրջանակում խաղաղապահներին ուղղված մեղադրանքներն անարդյունավետ են:

«Կոնտակտները կայացած են, և կարծում եմ, որ իրենց արդյունքը կտան», - ասել է նա: Հիշեցնելով՝ արդեն մի քանի օր է՝ 400 տոննա հումանիտար բեռով բեռնատարները կանգնած են Կոնիծոնում և սպասում են Արցախ մուտքի թույլտվությանը:

ԻՐԱՎԱԿԱՆ

ԻՐԱՎԿԻՃԱԿ

ԱԶԳԵՅՈՒԹՅՈՒՆ՝ ՊԱՏՐՈՆ ԳԱՎՈՅԻ ՎԻՍ

«Ժողովուրդ» օրաթերթի տեղեկությունների համաձայն՝ ուսագրավ իրավիճակ է ստեղծվել գործարար Գավիթ Գալստյանի կալանավորման մասով: Բանն այն է, որ իրավապահ համակարգը ամեն զնով գործարար Գավիթ Գալստյանին՝ Պատրոն Գավոյին, ցանկանում է դառնել կալանի սակ:



Նախ՝ հիշեցնենք, որ Գավիթ Գալստյանը ռազմամթերքի ձեռք բերման գործընթացում ենթադրյալ չարաշահումների վերաբերյալ գործերով մեղադրյալի կարգավիճակ ունի ՊՆ նախկին նախարար Գավիթ Տոնոյանի դեմ հարուցված քրեական գործով, որը վերաբերում է 2018 թվականի մատակարարումներին, ինչպես նաև ՊՆ նախկին նախարար Սեյրան Օհանյանի եւ ՊՆ նախկին կորպուսի հրամանատար Գրիգորի Խաչատուրովի գործին միացրած դատական գործով, որը արդեն վերաբերում է 2011 թվականի մատակարարումներին:

Ահա, երեկ արդեն գրավի դեմ դատախազության կողմից ներկայացված բողոքի հիման վրա նույն դատավորը որոշման մեջ նշել է, որ Հակակոռուպցիոն դատարանը, Գավիթ Գալստյանին 40 միլիոն գրավի դիմաց ազատ արձակելով, թույլ է տվել խախտում: Ստացվում է, որ Վերաքննիչ դատարանի նույն դատավորը մեկը մյուսի հետեւից հակասում է իրեն այն պատճառով, որ միգրացիոն հրահանգ են ստացել ամեն գնով կրկին կալանավորել գործարարին:

Արդյունքում 2011 թվականի մատակարարումներին վերաբերող քրեական գործով Գավիթ Գալստյանը այս տարվա հունվարի 31-ից կալանավորվել էր, գործը դատարան ուղարկելուց հետո 1 ամսով կալանքի ժամկետը ապօրինի երկարացվել էր, սակայն արդեն հունիսի 28-ին Հակակոռուպցիոն դատարանը Գավիթ Գալստյանին 40 միլիոն գրավի դիմաց ազատ էր արձակել՝ մերժելով կալանքի ժամկետը մեկ ամսով երկարացնելու վերաբերյալ դատախազության միջնորդությունը:

Եվ, ահա, «Ժողովուրդ» օրաթերթին հասած տեղեկությունների համաձայն՝ ՀՀ վերաքննիչ դատարանի դատավոր Կարեն Ամիրջանը նախ առաջին մեկ ամսվա կալանքի երկարաձգման մասով պաշտպանական կողմի ներկայացված բողոքով արձանագրում է, որ Հակակոռուպցիոն դատարանը մեկ ամիս անհիմն է կալանքի տակ պահել Գավիթ Գալստյանին, իսկ,

վարչության գլխավոր ինժեներ Վլադիմիր Բաբայանը եւ փորձագետ Արտակ Սուքիասյանը: Սակայն նկատենք, որ այս պատմության մեջ ուշագրավն այն է, որ վերոնշյալ անձինք՝ ՊՆ ավիացիայի վարչության գլխավոր ինժեներ Վլադիմիր Բաբայանը եւ փորձագետ Արտակ Սուքիասյանը, ներգրավված են եւ ցուցմունք են տվել 2018 թվականի մատակարարումների մասով քննվող քրեական գործով, այլ ոչ թե 2011 թվականի մատակարարումների գործով, որով Գավիթ Գալստյանը ապահովել էր ենթադրյալ վնասի փոխհատուցումը ամբողջությամբ: Անգամ 2018թ. մատակարարումների մասով քննվող քրեական գործով նշված 2 անձինք ոչ ցուցմունք, ոչ էլ վկայություն են տվել Գալստյանի դեմ: Այս դեպքում, փաստորեն, այն աստիճան են իրավապահ մարմինները տարված եղել ամեն գնով կալանքի կեղծ հիմքեր ստեղծելու գործով, որ նույնիսկ շփոթել են գործերը եւ դրանցով անցնող անձանց տվյալները:

Ստացվում է, որ գործարարի դեմ շարունակվում են ապօրինի ճնշումները, որի արդյունքում Գավիթ Գալստյանը պետք է ստիպված շարունակի կրել ապօրինի կալանք:

ՆՈՐ ՓՈՒԼ

ՀԱՆՑԱՆՔԸ ԹԱՔՑՐԵԼ ԵՆ

«Ժողովուրդ» օրաթերթին հայտնի դարձավ, որ Գրիգոր Լյովայի Եսայանին մեղադրանք է առաջադրվել այն բանի համար, որ նա 2023 թվականի մայիսի 4-ին՝ Գյումրի քաղաքի տանը Գ. Մելքոնյանի կողմից Ա. Ավագյանին սպանելուց՝ ապօրինաբար վերջինիս կյանքից զրկելուց հետո, հիշյալ հանցագործությունը, հանցանք կատարած անձի բացահայտմանը, հանցանք կատարած անձին քրեական պատասխանատվության եւ պատժի ենթարկելուն խոչընդոտելու նպատակով, առանց նախնական խոստման, պարտակել է հանցագործությունը, աջակցել Գ. Մելքոնյանին:

Այսպիսով, Գ. Եսայանին մեղսագրվում է ՀՀ քրեական 474-րդ հոդվածի 1-ին մասով նախատեսված հանցանքի կատարում:

«ՀԱՄԱՄԵՐԻ» «ԱՆՈՐՄԱԼԻ» ՎԱՐՈՐԳԻ ԳՈՐԾԸ

«Ժողովուրդ» օրաթերթին հայտնի դարձավ, որ «Համմերի» «անորսալի» վարորդի գործով ավարտական փուլ է հայտա-

րարվել, եւ գործն առաջիկայում կուղարկվի դատարան: Հիշեցնենք, որ 2023թ. փետրվարի 11-ին Կենտրոն եւ Նորք-Մարաշ վարչական շրջանների քննչական առաջին բաժին հաղորդում էր ստացվել այն մասին, որ փետրվարի 10-ին՝ ժամը 23:30-ի սահմաններում, Հանրապետության հրապարակում Պարեկային ծառայության ծառայողներին է մոտեցել «Համմեր» մակնիշի ավտոմեքենա, որի վարորդը մեքենան լիցքավորելու համար գումար է պահանջել պարեկներից:

Մերժում ստանալուց հետո, բացահայտ անհարգալից վերաբերմունք դրսևորելով հասարակության նկատմամբ, նա մեքենան վարել է Աբովյան փողոցով՝ երթելեկությանը հանդիպակաց, չի ենթարկվել ոստիկանության ծառայողների՝ «կանգ առ» ազդանշանին, մեքենան շարունակել է վարել Արամի, Փ. Բյուզանդի, Վ. Սարգսյանի, Ազանթազեդոսի, Տիգրան Մեծի, Ամիրջան փողոցներով, այդ թվում նաև՝ հետիոտնի համար նախատեսված վայրով՝ դիտավորյալ վնասելով փողոցներում վայանված թվով 8 քաղաքացիական մեքենաներ:

Այնուհետև նա երթել է ՀՀ կառավարության վարչական շենքի հանդիպակաց՝ ոչ երթելեկելի հատվածով, որտեղ, շարունակելով չենթարկվել պարեկային

ծառայության օրինական պահանջին, վրաերթի է ենթարկել Պարեկային ծառայության աշխատակցին, դիտավորյալ վնասել Պարեկային ծառայության թվով 3 ավտոմեքենա:

Այդ գործողությունները կանխելու համար պարեկային ծառայողներն իրենց ամրակցված ատրճանակներով մոտ տարածությունից մի քանի անգամ կրակել են վերոհիշյալ ավտոմեքենայի անվադողերի ուղղությամբ՝ փորձելով կանգնեցնել այն, սակայն վարորդը շարունակել է երթելեկությունը, խույս տալով պարեկներից՝ մեքենան թողել է Երեւանի Ազաթանզեդոս 7-րդ շենքի կամարանցման տակ եւ դիմել փախուստի: Վարության գործողությունների արդյունքում պարզվել էր, որ «Համմեր» մակնիշի ավտոմեքենան պատկանում է Արարատի մարզի բնակիչ Գեղամ Ս.-ին, որը եղել է ենթադրաբար թմրանյութի ազդեցության տակ:

Պարզվել էր, որ տեղյակ լինելով որդու՝ թմրամոլ լինելու մասին՝ հայրն ավտոմեքենայի բանալիները թաքցրել է նրանից, սակայն երիտասարդը փնտրել ու գտել է ավտոմեքենայի պահեստային բանալին, որից հետո ավտոմեքենայով մարզից եկել է Երեւան:

Նախաքննությունը շարունակվում է: Գեղամ Ս.-ն կալանավորված է: **ՔՆՆՈՐ ՄԱՆՈՒԿՅԱՆ**

ԳԱՐՏՆԱԼՍՈՒՄ

ԱԶԱՏՎԵԼ ԵՆ ԱՇԽԱՏԱՆՔԻՑ

«Ժողովուրդ» օրաթերթին հայտնի դարձավ, որ Գլխավոր դատախազությունը գաղտնալսման արդյունքում աշխատանքից ազատեց Արմավիրի մարզի դատախազ Աշոտ Մարտիրոսյանին եւ Կոտայքի մարզի դատախազ Արես Գրիգորյանին:

«Ժողովուրդ» օրաթերթը գրել էր, որ ուժային կառույցները Հայաստանում աշխատում են գաղտնալսման պայմաններում: «Ժողովուրդ» օրաթերթի բացառիկ տեղեկությունների համաձայն՝ գաղտնալսման արդյունքում դատախազներ են ազատվել աշխատանքից, իսկ ոմանց մասով ծառայողական քննություն է սկսվել, որն էլ ունեցավ իր ելքը. նրանց ազատեցին:

Այսպիսով, «Ժողովուրդ» օրաթերթի լուրերի համաձայն՝ Գլխավոր դատախազությունը կասեցրել է Արմավիրի մարզի դատախազ Աշոտ Մարտիրոսյանի եւ Կոտայքի մարզի դատախազ Արես Գրիգորյանի լիազորությունները եւ ծառայողական քննություն է սկսել նրանց նկատմամբ: Իսկ ինչու: Բանն այն է, որ իրավապահները, գաղտնալսելով Արմավիրի դատախազ Աշոտ Մարտիրոսյանին եւ Կոտայքի դատախազ Արես Գրիգորյանին, պարզել են, թե ինչպես են նրանք նեղարտած խոսում, քննադատում ու տարբեր կարծիքներ արտահայտում Արմավիրի դատախազ Վահան Սարգսյանի կամ գլխավոր դատախազ Աննա Վարդապետյանի մասին:

Այս ներքին քննարկումն էլ ճակատագրական է դարձել երկու դատախազների համար, ու նրանց լիազորությունները գլխավոր դատախազ Աննա Վարդապետյանը դադարեցրել է ու սկսել ծառայողական քննություն:

Այսքանով Դատախազությունում «վիոկների որս» ու ներքին «խժռոցը» չեն ավարտվել: Մեզ հասած տեղեկությունների համաձայն՝ անգամ ԱԾ-ն այս գաղտնալսման արդյունքում մտել է Կոտայքի ու Արմավիրի մարզերի Դատախազություն, դատախազների պառնկեցրել գետնին ու սկսել գործողություններ: Այստեղ էլ հաստատվել է դրամայի երկրորդ մասը. Արմավիրի մարզի դատախազ Վահան Սարգսյանի գործելաճոճ դատախազների մոտ սկսել է քննարկվել Սերժ Սարգսյանի գործը քննող դատախազ Արես Մարտիրոսյանի, Ռոբերտ Քոչարյանի գործը քննող դատախազ Պետրոս Պետրոսյանի հետ ունեցած խոսակցությունների ժամանակ: Նրանք ոչ այդքան հաճելի կարծիքներ են արտահայտել Արմավիրի մարզի դատախազ Վահան Սարգսյանի հասցեին, ինչպես նաև գլխավոր դատախազ Աննա Վարդապետյանի մասին: Եվ, ահա, այս գաղտնալսումն էլ պատճառ դարձավ, որ օրերս աշխատանքից ազատվեն դատախազներ Արես Մարտիրոսյանը, Պետրոս Պետրոսյանը եւ գլխավոր դատախազի տեղակալ Գեորգ Բաղդասարյանը: Իրավիճակը ցույց է տալիս, որ դատախազները ներքին միջանձնային խոսակցության համար ազատվում են աշխատանքից:

Այլ կերպ ասած, Հայաստանը վերածվել է գաղտնալսումների երկրի, որտեղ քաղաքական իշխանությանը ընդդիմացողների խոսքի ազատությունը ոտնահարվում է: **Ք. ՄԱՆՈՒԿՅԱՆ**

● Ըստ ոստիկանության տվյալների՝ հուլիսի 31-ից օգոստոսի 1-ը Հայաստանի Հանրապետությունում բացահայտվել է հանցագործության 64 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԸՆԴՈՒՆԵԼՈՒԹՅՈՒՆ՝ ՄԱՐԶՊԵՏԻ ՄՈՏ

Նախկինում գրել են, որ Նիկոլ Փաշինյանի դատարանը, նրա հարսանիքի քաղաքացիական արգելափակումը 2021թ. ապրիլի 8-ին Տավուշի մարզպետ Նշանակված Հայկ Ղալումյանը հուլիսի 27-ին մարզպետարանում ընդունել է 4 քաղաքացիների: Ի սկզբանե մարզպետի աշխատակազմի ֆեյսբուքյան էջում ընդունելության եկած քաղաքացիների թիվը նշված էր 4: Ֆեյսբուքյան գրառումով զարմանք հայտնեցի, որ սահմանափակում, հոգաշատ, շուրջ 120 հազար բնակիչ ունեցող Տավուշի մարզից իրեն հուզող հարցի լուծման համար մարզպետ Ղալումյանի հետ հույս է կապել ընդամենը 4 քաղաքացի: Դրանից հետո մարզպետարանը սրբագրեց իր տեղեկատվությունը, մարզպետի մոտ ընդունելության եկածների թիվը սարքեց 6:

ԱՃԻՍԱՍԱՎԱՐՁ ՉԵՆ ՎՃԱՐԵԼ

Նոյեմբերյան համայնքի սահմանափակումը Ոսկեայր գյուղի միջնակարգ դպրոցի ռազմագիտության ուսուցիչ Նվեր Բեգլարյանը 2020 թվականի 44-օրյա պատերազմի ժամանակ Տավուշի սահմանագոտում դասակ է դեկավարել, նրա երկու որդիներից Նարեկը կամավոր կերպով մեկնել է Արցախի առաջնագիծ, մարտնչել: Նվեր Բեգլարյանը այս տարվա ապրիլի 19-ից մինչև մայիսի 13-ը մասնակցել է ռազմական վարժական հավաքի: Ոսկեայրի միջնակարգ դպրոցի տնօրեն Հարություն Ալավերդյանը Նվեր Բեգլարյանին աշխատավարձ չի վճարել ռազմական վարժական հավաքին մասնակցելու համար՝ հղում անելով օրենքի այն կետին, որ ռազմական վարժական հավաքի մասնակցին աշխատավարձը վճարվում է գործատուի հայեցողությամբ: Հետո օրենքում փոփոխություն է եղել, այժմ ռազմական վարժական հավաքի մասնակցին գործատուի կողմից աշխատավարձ վճարելը պարտադիր է: Ռազմական վարժական հավաքների մասնակցներին հայտնել են, որ նրանք այդ հավաքն անցկացնելու են Երեւանում՝ Վազգեն Սարգսյանի անվան ռազմական համալսարանի տարածքում, սակայն նրանք հավաքն անցկացրել են Արմավիրի զորավարժարանի տարածքում: Այնտեղ առկա կենցաղային վատ պայմանների պատճառով Նվեր Բեգլարյանը հիվանդացել է, նրա ընտանիքը 100 հազար դրամ է ծախսել Նվեր Բեգլարյանի «ՄՈՏ» բժշկական հետազոտության համար: ՀՀ պաշտպանության նախարարությունը նրան չի փոխհատուցել այդ գումարը՝ պատճառաբանելով, որ նա բժշկական հետազոտություն է անցել վարժական հավաքին մասնակցելուց հետո: Հունիսի 12-ին Վազգեն Սարգսյանի անվան ռազմական համալսարանում կայացած հանդիպման ժամանակ Նվեր Բեգլարյանը իր խնդիրները ներկայացրել է ՀՀ զինված ուժերի գլխավոր շտաբի պետ Էդվարդ Ասրյանին, վերջինս խոստացել է դրանք լուծել, սակայն այդպես էլ չի լուծել: Ն. Բեգլարյանը նամակով դիմել է Ե. Ասրյանին, նրանից ստացված պատասխանը մերժողական է: Ն. Բեգլարյանը այդ խնդիրները հուլիսի 27-ին ներկայացրել է օրենս աշխատանքային այցով Ոսկեայր այցելած ՀՀ մարդու իրավունքների պաշտպան Անահիտ Մանասյանին. վերջինս գրառել է խնդիրները:

ՈՍԿԵԱՅՐ ՍԱՐԳՅԱՆ Տավուշ

ԳՐՈՅ

ՆՈՐ ԳՈՐԾԸՆԹԱՅ ԵՆ ՄԿՍԵԼ

Իրավադատի համակարգը նոր գրոհ է սկսել Նավասարդ արեւոյանի գործով: Ի՞նչ է սպասվում արագաճին:

Պարզվում է, որ ԱԺ ԶԳ-ական պատգամավորի խնամքները պատերազմ են հայտարարել Նավասարդ արեւոյանի գործով: Իսկ ի՞նչ է մտածում այս ամենի շուրջ սրբազանը: Վերջինս «Ժողովուրդ» օրաթերթի հետ զրույցում հայտնեց, որ ուխտի է ու չի կարող խոսել՝ հորդորելով դիմել փաստաբանին:

Իսկ հիմա ամեն ինչի մասին ամենակարգից:

«Ժողովուրդ» օրաթերթը գրել էր, որ ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունը, ամենայն հավանականությամբ, Արարատյան հայրապետական թեմի առաջնորդ, արքեպիսկոպոս Նավասարդ (Սամվել) Կոչյանի գույքի հարցով դիմում կներկայացնի դատարան: Մեզ հետ զրույցում սրբազանի պաշտպան Արմինե Ֆանյանը հայտնեց, որ դատախազությունը Նավասարդ (Սամվել) Կոչյանի գույքի մասով հայցադիմում է ներկայացրել դատարան:

Ինչպես հայտնի է, այս տարվա հունվարի 23-ին Արարատյան հայրապետական թեմի առաջնորդ, արքեպիսկոպոս Նավասարդ (Սամվել) Կոչյանը հրավիրվել էր Գլխավոր դատախազության ապօրինի ծագում ունեցող գույքի բռնագանձման գործերով վարչություն: Կոչյանին պատկանող գույքի առնչությամբ իրականացվում է ուսումնասիրություն, որի արդյունքում կազմվել է ամփոփագիր, ավելին՝ Նավասարդ Կոչյանի գույքն արգելանքի տակ է դրվել: Բանն այն է, որ իրավապահները հարց են բարձրացրել՝ որտեղից հոգեւորականը, որը չի ունեցել եկամուտ, ունի մեծ ծավալների գույք: Հոգեւորականը բացատրել է, որ դա նա՝ որպես հոգեւորական, ստացել է նվիրատվություն, իսկ, ահա, իրավապահները հոգեւորականին բացատրել են, որ եկեղեցին ասում է՝ այդ նվիրատվությունն իրենը չէ, եկեղեցուն է: Սա էլ դեռ քիչ չէ, հիմա էլ շուրջ 2 տարի առաջվա քրեական գործն է դատախազությունը վերաբացել: Գլխավոր դատախազությունը հայտնել էր, որ փողերի վաճառման համար մեղադրվող Ա. Կ.-ն (խոս-



քը Նավասարդ արքեպիսկոպոս Կոչյանի մասին է, -խմբ.) կրկին մեղադրյալի կարգավիճակ ունի. վերադաս դատախազը վերացրել է քննիչի՝ քրեական հետապնդումը դադարեցնելու մասին որոշումը:

«ՀՀ քաղաքացի Ա. Կ.-ն 2010 թվականի հուլիսի 15-ին ձեռք է բերել Կիպրոսի Հանրապետությունում հիմնադրված «WLISPERA HOLDINGS LIMITED» կազմակերպության բաժնետոմսերը եւ նշված ընկերությունը կառավարելու իրավասությունը հանձնել իր սանիկ, «Ձորագյուղ» արտադրական կոոպերատիվի հիմնադիր-տնօրեն Ա. Ս.-ին (խոսքը Աշոտ Առաքիայանի մասին է -խմբ.)՝ այդպիսով օժանդակելով հանցավոր ճանապարհով ստացված առանձնապես խոշոր չափերով եկամուտներն օրինականացնելու: Քրեական վարույթով պարզվել է, որ «Ձորագյուղ» արտադրական կոոպերատիվի եւ բանկերից մեկի միջեւ կնքված պայմանագրով Ա. Ս.-ն բանկից ստացել է 3 մլրդ 664 մլն 175 հազար դրամին համարժեք 9 մլն ԱՄՆ դոլար եւ 361 մլն 500 հազար դրամի վարկի գումարներ՝ նպատակ չունենալով ստացած վարկային միջոցները հետագայում վերադարձնել:

Խաբեությունը ձեռք բերված գույքային իրավունքներից ստացված եկամուտներն օրինականացնելու, ծագման աղբյուրը,

տեղաշարժն ու պատկանելիությունը թաքցնելու եւ խեղաթյուրելու նպատակով Ա. Ս.-ն կատարել է մի շարք բանկային եւ առևտրային գործարքներ, մասնավորապես՝ «Ձորագյուղ» արտադրական կոոպերատիվի անվամբ բացված դոլարային հաշվից Կիպրոսի Հանրապետության «HELLENIC BANK PUBLIK COMPANY LTD» բանկում բացված, իրեն եւ Ա. Կ.-ին պատկանող «WLISPERA HOLDINGS LIMITED» ընկերությանը փոխանցել է հանցավոր ճանապարհով ստացված առանձնապես խոշոր չափերի՝ 131 մլն 950 հազար դրամին համարժեք 350 հազար ԱՄՆ դոլարի եկամուտ, որին միախառնել է նույն բանկում իրեն պատկանող 2 այլ ընկերության հաշվեհամարներից փոխանցված, հանցավոր նույն եղանակով ստացված գումարները: Փոխարենը տվյալ ընկերությունը «Ձորագյուղ» արտադրական կոոպերատիվի դոլարային հաշիվներից փոխանցել է 1 մլն 707 հազար 32,3 ԱՄՆ դոլար: Պարզվում է, որ գործը վերաբացվել է՝ գործարար Փայլակ Հայրապետյանի դիմումի հիման վրա, իսկ գործարարն էլ, ոչ ավել, ոչ պակաս, ԱԺ ԶԳ-ական պատգամավոր Հայկ Սարգսյանի կնոջ հարազատն է: Ինչ է պարզաբանում փաստաբան Արմինե Ֆանյանը, ի՞նչ է սպասվում Կոչյանին: ԸՆՏՐ ՄԱՆՈՒԿՅԱՆ

ՏԿՅԱԼՆԵՐ

ՊԱՏԳԱՄԱՎՈՐԻ ՈՒՆԵՑՎԱԾՔԸ

«Քաղաքացիական պայմանագիր» խմբակցության պատգամավոր Լիլիթ Կիրակոսյանը 2022 թվականի հունվարի 13-ին վերցրել է պատգամավորական մանդատը: Նախկինում Երեւանի ավագանու անդամը 2022 թավականի հայտարարատու տարում որեւէ սեփական անշարժ գույք չի հայտարարագրել, սակայն հայտարարագրել է բնակարան Երեւանի Մալաթիա-Սեբաստիա վարչական շրջանում, որը փաստացի իրեն չի պատկանում, սակայն շահագործվում է պատգամավորի կողմից:

Կիրակոսյանը տարեսկզբին հայտարարագրել է մեկ մեքենա՝ 2009 թվականի արտադրության, NISSAN մակնիշի, որը ձեռք է բերվել 2020 թվականին: Տարվա ընթացքում մեքենան օտարվել է Սամվել Տոնոյանին 2 մլն 500 հազար դրամով: Տարվա ընթացքում Կիրակոսյանը ձեռք

է բերել HYUNDAI մակնիշի, 2016 թվականի արտադրության մեքենա, որի արժեքը կազմել է 3 մլն 400 հազար դրամ:

Պատգամավորի բանկային հաշիվների մնացորդները կազմել են 420 հազար դրամ, կանխիկ դրամական միջոցները կազմել են 1200 դոլար եւ 4 մլն 700 հազար դրամ: Հաշվետու տարվա եկամուտները կազմում են 12 մլն 136 հազար դրամ, որից 7 մլն 476 հազար դրամն աշխատանքի վարձատրություն է Ազգային ժողովի աշխատակազմից, 90 հազար դրամը՝ «Ճանապարհային դեպարտամենտ» ՊՈԱԿ-ից:

2 մլն ՀՀ դրամը կամ դրան համարժեք արտարժույթը գերազանցող միանվագ 3 մլն 400 հազար դրամ ծախսեր է հայտարարագրել Կիրակոսյանը: Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 2 մլն 175 հազար դրամ:

ԷՄՍԱ ՄԻՔԱՅԵԼՅԱՆ

ՆԵՐՄՈՒԾՈՒՄՆ ԱՐԳԵԼՎԵԼ Է

Հուլիս ամսին ՍՍՍՄ սահմանային վերահսկողության արդյունքում, լաբորատոր անհամապատասխանության հիմքով, արգելվել է Հայաստանի Հանրապետություն ներմուծել հետեւյալ սննդամթերքը՝

- Հնդկաստանից գումեշի միս՝ 51480 կգ, ախտածին մանրէներ, այդ թվում սալմոնելաներ ցուցանիշով,
- Դանիայից թռչնամիս՝ 26744 կգ, լիստերիա (Listeria monocytogenes) ցուցանիշով,
- Ուկրաինայից թռչնամիս՝ 6565 կգ, ախտածին մանրէներ, այդ թվում սալմոնելաներ ցուցանիշով,
- Բրազիլիայից խոզի միս՝ 62072,43 կգ, որից 36580 կգ-ը ախտածին մանրէներ, այդ թվում սալմոնելաներ ցուցանիշով, իսկ 25492,43 կգ-ը՝ լիստերիա (Listeria monocytogenes) ցուցանիշով:

● Անցած 1 օրվա ընթացքում Հայաստանի Հանրապետությունում արձանագրվել է 11 ճՏՊ. 3 մարդ զոհվել է, 18-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

Team Telecom

ԿԱՆՑԿԱՑՎԵՆ ԸՄՍԱՐՔԱՑԿԱԿԱՆ ԽԱՂԵՐԸ

Աշխարհի 179 քաղաքի ավելի քան 7000 հայ մարզիկ օգոստոսի 5-ից 19-ը կայաքարի լավագույնի կոչման համար...

Խաղերի օրակարգում ընդգրկված է 19 մարզածեղ: Մրցաշարերը անց են կացվելու Երեւանում, Շիրակի, Կոտայքի, Արարատի, Արագածոտնի, Գեղարքունիքի եւ Տավուշի մարզերում:

Team Telecom Armenia-ն միացել է 8-րդ խաղերին թիմային սպորտաձեւերի տարածումը եւ զարգացումը երիտասարդների շրջանում խրախուսելու նպատակով:

«Ուրախ ենք հյուրընկալել մեր հայրենակիցներին այստեղ նման մասշտաբային միջոցառման շրջանակում, որը ոչ միայն սպորտի, այլ նաեւ համախմբման ու թիմային հաղթանակների մասին է»,- ասում է ընկերության գլխավոր տնօրեն Յայկ Եսայանը:

Խոսելով Համահայկական խաղերի գաղափարի մասին՝ Համահայկական խաղերի համաշխարհային կոմիտեի նախագահ Իշխան Զաքարյանը նշում է, որ 25 տարի առաջ ծնված մարզական տոնի հիմքում համահայկականությունն է, հայկական աշխարհի ամբողջությունը:

«Համահայկական խաղերն ուղղված են հայկականությանը եւ հայապահպանությանը: Ուզում եմ հատուկ կարեւորել մեր հովանավորներին, բարերարներին, որոնց շնորհիվ է նաեւ, որ խաղերը իրականություն են դառնում»,- հավելում է նա:

Համահայկական խաղերն անցկացվում են օլիմպիական սկզբունքով՝ 4 տարին մեկ անգամ: Առաջին անգամ Համահայկական խաղերն անցկացվել են 1999 թվականին Հայաստան-Սփյուռք կապերի ամրապնդման նպատակով:

Team Telecom Armenia-ն ՀՀ տարածքում տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ: Ընկերությունը առաջին տելեկոմն է, որ իրականացնում է IPO Հայաստանում դառնալով էլ ավելի բաց ու հանրային: Հանդիսանալով Հայաստանում հեռահաղորդակցության առաջին համակարգի ժառանգորդը՝ Team-ը ժամանակակից տեխնոլոգիաների հետ է համադրում առաջին կապի օպերատորի հարուստ փորձը: 2021 թվականից ընկերությունը սկսել է տարածաշրջանում եզակի՝ 25 Գբ/վ արագությամբ 25G-PON տեխնոլոգիայով NGN (Next Generation Network) ցանցի կառուցումը, որը որակյալ ինտերնետով կապահովի Հայաստանի բոլոր մարզերը:

ԿՐԹԱԿԱՆ

ՈՒՂԵՑՈՒՅՑՆԵՐԸ ԸՄՍԱՐՔԱՑՎԵԼ ԵՆ

ՀՀ ԿԳՄՍ նախարարությունը հրապարակել է հանրակրթական հիմնական (ընդհանուր, մասնագիտացված եւ հասուն) ոլեսական ծրագրեր իրականացնող ուսումնական հաստատությունների 2-րդ, 5-րդ, 7-րդ դասարաններում 2023-2024 ուսարում ուսումնական գործընթացի կազմա-կերտման ուղեցույցը:

Հաստատությունը ուսպլանի պետական, դպրոցական եւ անհատական բաղադրիչներով սահմանված ժամաքանակի տնօրինմամբ կազմում է տվյալ տարվա իր ուսումնական պլանը:

Վերոնշյալ դասարաններում ուսումնական գործընթացը կազմակերպվում է Հանրակրթության պետական չափորոշիչի եւ առարկայական նոր չափորոշիչների ու ծրագրերի պահանջներին համապատասխան:

2-րդ, 5-րդ եւ 7-րդ, ինչպես նաեւ մյուս դասարաններում ուսումնական պարապմունքների սկսվելու, ավարտվելու, ինչպես նաեւ արձակուրդների ժամկետները սահմանվում են «Հանրակրթական հիմնական (ընդհանուր, մասնագիտացված եւ հատուկ) պետական ծրագրեր իրականացնող ուսումնական հաստատությունների 2023-2024 ուսումնական տարվա օրինակելի ուսումնական պլանների» համաձայն:

2023-2024 ուսումնական տարվա 2-րդ, 5-րդ, 7-րդ դասարանների ուսումնական պլանն ունի երեք՝ պետական, դպրոցական եւ անհատական (ընտրովի) բաղադրիչ:

Պետական բաղադրիչը ներառում է, ըստ դասարանների, պետական պարտադիր առարկայացանկը եւ առարկայացանկում ընդգրկված ուսումնական առարկաներին հատկացված պարտադիր նվազագույն ժամաքանակները:

Դպրոցական բաղադրիչի ժամաքանակը հատկացվում է ուսպլանի պետական բաղադրիչով եւ հաստատության կողմից սահմանված առարկաներին: Դպրոցական բաղադրիչի ժամաքանակը հատկացվում է սովորողների նախասիրություններին, հաստատության առանձնահատկություններին, համայնքի կարիքներին համապատասխան կրթություն կազմակերպելու նպատակով: Դպրոցական բաղադրիչի ժամերը հատկացվում են՝ հաշվի առնելով տվյալ դասարանում առարկայի դասավանդման համար պահանջվող տարեկան անհրաժեշտ ժամաքանակը: 2-րդ, 5-րդ, 7-րդ դասարաններում դպրոցական բաղադրիչի ամբողջ ժամաքանակի բաշխումը պարտադիր է:



կան բաղադրիչի ժամաքանակը հատկացվում է սովորողների նախասիրություններին, հաստատության առանձնահատկություններին, համայնքի կարիքներին համապատասխան կրթություն կազմակերպելու նպատակով: Դպրոցական բաղադրիչի ժամերը հատկացվում են՝ հաշվի առնելով տվյալ դասարանում առարկայի դասավանդման համար պահանջվող տարեկան անհրաժեշտ ժամաքանակը: 2-րդ, 5-րդ, 7-րդ դասարաններում դպրոցական բաղադրիչի ամբողջ ժամաքանակի բաշխումը պարտադիր է:

Անհատական (ընտրովի) բաղադրիչի ժամերը հատկացվում են հաստատության սահմանած ուսումնական խմբակներին եւ ուսումնական նախագծերին՝ համապատասխան կարգի պահանջներին համաձայն: Անհատական բաղադրիչի ժամերը հատկացվում են՝ հաշվի առնելով խմբակի կամ նախագծի իրականացման համար պահանջվող տարեկան ժամաքանակը: Անհատական (ընտրովի) բաղադրիչի ժամաքանակից ժամեր են հատկացվում «Առողջ ապրելակերպ» ուսումնական խմբակին (5-րդ եւ 7-րդ դասարաններ):

Հաստատության 7-րդ դասարանում յուրաքանչյուր սովորող տարեկան իրականացնում է առնվազն մեկ ուսումնական նախագիծ՝ իր ընտրած առարկայից (առարկաներից):

Ուսումնական պլանի անհատական (ընտրովի) բաղադրիչով պարապմունքները կազմակերպվում են պետական եւ դպրոցական բաղադրիչների ժամաքանակի շրջանակում իրականացվող պարապմունքներից հետո: Անհատական բաղադրիչի ժամաքանակը հաստատությունը բաշխում է՝ ըստ կրթական աստիճանների, եւ 7-րդ դասարանից սկսած՝ հաշվի առնելով յուրաքանչյուր սովորողի կողմից իրականացվող առնվազն մեկ ուսումնական նախագծի ուղղվածությունն ու բովանդակությունը:

ԿԳՄՍ նախարարությունը հրապարակել է նաեւ Տավուշի մարզի հիմնական (ընդհանուր, մասնագիտացված եւ հատուկ) պետական առարկայական չափորոշիչներ եւ ծրագրեր փորձարկող ուսումնական հաստատությունների 1-12-րդ դասարաններում 2023-2024 ուստարում ուսումնական գործընթացի կազմակերպման վերաբերյալ ուղեցույցը:

ԱՐՑԱՆ

ԶԵԿՈՒՅՑ՝ ՆՈՐ ՓԱՍՏԵՐՈՎ

Ադրբեջանը դիտավորությամբ հոգեկան տառապանքներ է պատճառել հայ զինծառայողների մայրերին, քույրերին եւ նրանց ընտանիքների մյուս անդամներին: Իրավունքի եւ արդարության կենտրոն «Թաթոյան» հիմնադրամը փաստերով նոր գեկույց է ներկայացրել:

Հայաստանի եւ Արցախի դեմ Ադրբեջանի սանձազերծած 2020թ. 44-օրյա եւ 2022թ. սեպտեմբերի 13-14 պատերազմների ընթացքում ադրբեջանական զինված ուժերը կատարել են բազմաթիվ պատերազմական հանցագործություններ, այդ թվում՝ ռազմագերիների եւ քաղաքացիական անձանց խոշտանգումներ, արտադատական սպանություններ: Դրանց հիմքում այդ երկրի իշխանության հայտայացության եւ թշնամանքի, ֆաշիստական շարունակվող քաղաքականությունն է:

Արհեստական քրեական հետապնդումներով եւ շինծու դատական ակտերով մինչ օրս Ադրբեջանը չի վերադարձնում հայ ռազմագերիներին եւ քաղաքացիական անձանց: Այդպես Ադրբեջանի իշխանությունը մտադրված հոգեկան տառապանքներ է պատճառում հայ ընտանիքներին թե՛ Արցախում, թե՛ Հայաստանում:

նապանքներ է պատճառում հայ ընտանիքներին թե՛ Արցախում, թե՛ Հայաստանում:

Այս գեկույցը քննարկում է իրավական գնահատական եւ տալիս ադրբեջանական այդ հանցավոր արարքներին: Օրինակ՝ ադրբեջանական զինծառայողները խոչընդոտել են որոնողական աշխատանքներին, թաքցվել եւ չեն վերադարձվել զինծառայողների մարմիններ եւ այլն:

«Facebook», «Twitter», «TikTok» եւ այլ սոցիալական ցանցերում ադրբեջանական օգտահաշիվներով, թիրախավորելով հայկական լսարանը, տարածվել եւ անմիջապես ընտանիքներին եւ ուղարկվել իրենց ընտանիքների զինծառայող անդամների լուսանկարները սպանված եւ խոշտանգված վիճակում:

Ուսումնասիրությունները հաստատում են, որ նշված հանցանքները խրախուսվում են Ադրբեջանի իշխանությունների կողմից: Դրանք նպատակ ունեն ծանր հոգեբանական ցավ պատճառել ընտանիքներին եւ պահպանել լարվածությունը հայ հասարակությունում:

Սույն գեկույցի մշակման աշխատանքները ներառել են նաեւ հարցազրույցներ զինծառայողների ընտանիքների հետ եւ

անհրաժեշտ փաստաթղթերի ուսումնասիրություններ:

ՀԱՅԻ ԽՆԴԻՐԸ ԿԵԱՐԳԱՎՈՐՎԻ

Ստեփանակերտի, Ասկերանի, Մարտունու ալրաղացներում շուրջօրյա աշխատանք է տարվում այլուրի եւ հացի պահանջարկն ապահովելու ուղղությամբ, իսկ Մարտակերտի ալրաղացը մեծ դժվարություններով կգործարկվի. հայտնում են Արցախի գյուղի եւ գյուղատնտեսության աջակցության հիմնադրամից:

«Ստեփանակերտի հացի արտադրամասերում հերթերը կառավարելու եւ ձեռք բերվող հացի քանակը վերահսկելու համար պետական կառավարի հանձնարարությամբ տեղում ներկա են գտնվելու Արցախի պետական եկամուտների կոմիտեի ու պետական տեսչությունների կառավարման կոմիտեի աշխատակիցները: Իրականացվող արտակարգ միջոցառումների արդյունքում երկու օրից աստիճանաբար կկարգավորվի հացի սղության խնդիրը:

Խնդրում ենք ըմբռնումով մոտենալ իրավիճակին եւ հնարավորինս խնայողաբար կատարել հացի գնումները»,- ասված է հաղորդագրության մեջ:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:



ԻՐԱՎՈՒՆՔ

ՀԱՐՑ. Ո՞վ կարող է դիմել ՀՀ մարդու իրավունքների դաժանման:
Նարինե Հախվերդյան (44 տարեկան)



ՊԱՏԱՍԽԱՆ. Պաշտպանին կարող է դիմել ցանկացած անձ՝ անկախ ազգությունից, քաղաքացիությունից, բնակության վայրից, սեռից, ռասայից, տարիքից, քաղաքական եւ այլ հայացքներից, այդ թվում՝ նաեւ՝

1. փախստականները, կանայք, երեխաները,
2. ձերբակալում, նախնական կալանք կամ քրեական պատիժ իրականացնող հիմնարկներում, ինչպես նաեւ հարկադրական պահման այլ վայրերում գտնվող անձինք,
3. զինապարտները, զինծառայողները, նրանց հավասարեցված անձինք,
4. իրավաբանական անձինք,
5. խնամակալության եւ հոգաբարձության մարմինները,
6. պաշտոնատար անձինք, միայն իրենց՝ որպես ֆիզիկական անձանց խախտված իրավունքների պաշտպանության նպատակով:

ՀՀ ՄԻՊ

«ԺՈՂՈՎՈՒՐԳ». Ուրիշի իրավունքների պաշտպանության նպատակով Պաշտպանին կարող են դիմել միայն այդ անձանց ներկայացուցիչները, ինչպես նաեւ մահացած անձանց ընտանիքների անդամներն ու ժառանգները:

ՎԻՋԱ

ՀԱՐՑ. Կարո՞ղ եմ Գերմանիայի դեսպանությունից ստացած Շենգենյան վիզայով այցելել նաեւ Շենգենյան այլ դեսպանություններ:
Վան Ղավթյան (29 տարեկան)



ՊԱՏԱՍԽԱՆ. Այո, հենց սա է Շենգենյան վիզայի իմաստը: Դուք կարող եք վիզայի վավերականության ժամկետում այցելել շենգենյան ցանկացած երկիր: Բայց այցելության հիմնական նպատակակետը (ամենաերկար կացությունը) պետք է լինի այն երկրում, որի դեսպանությունից Դուք վիզան ստացել եք:

ԳՐՀ դեսպանություն Երեւանում

«ԺՈՂՈՎՈՒՐԳ». Պետք է նկատի ունենալ, որ միայն վիզա ունենալը ինքնաբերաբար մուտքի իրավունք չի տալիս, եւ որ վիզա ունեցող անձը սահմանին պետք է փաստաթղթերով հավաստի, որ բավարարում է Շենգենյան սահմանային կողմնակից 6-րդ հոդվածով նախատեսված մուտքի նախապայմանները:

ԼՈՒՐ ԿԱԴՐ

Լուսանկարը՝ համացանցից



ՊԵԿ արելեյան-մաքսատուն վարչության Բագրատաշենի մաքսային կետ-բաժնի ծառայողները կանխել են խոշոր քանակությամբ չհայտարարագրված հագուստի տեղափոխումը: Օրերս մաքսակետ ժամանած բեռնատարը, որը վարել է ՀՀ քաղաքացի Գ.Ս.-ն, տեղափոխել է ՌԴ «Վերին Լարս» անցակետում լրացված տարանցման հայտարարագրով ձեակերպված ապրանքներ: Մաքսային ծառայողների կողմից իրականացրած հսկողության արդյունքում պարզվել է, որ բեռնատարի մեջ առկա են չհայտարարագրված ապրանքներ, մասնավորաբար՝ 2330 կգ ընդհանուր քաշով նոր հագուստ, որի արժեքը, ըստ հուլիսի 27-ին կազմված համապատասխան հայտարարագրի, կազմել է 2 միլիոն 542 հազար ՌԴ ռուբլի՝ շուրջ 11 միլիոն դրամ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայկոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+11 + 15 +27 + 31	Արարատ	+21 + 23 +37 + 39
Կոտայքի լեռներ	+11 + 14 +26 + 29	Արմավիր	+19 + 20 +37 + 39
Կոտայքի նախալեռներ	+20 + 22 +33 + 35	Վայոց ձորի լեռներ	+13 + 15 +25 + 27
Գեղարքունիք	+11 + 16 +25 + 28	Վայոց ձորի նախալեռներ	+20 + 22 +37 + 39
Լոռի	+12 + 16 +24 + 28	Սյունիքի հովիտներ	+19 + 23 +34 + 38
Տավուշ	+16 + 20 +28 + 32	Սյունիքի նախալեռներ	+15 + 17 +28 + 30
Արագածոտնի լեռներ	+10 + 13 +24 + 27	ԼՂՀ	+19 + 21 +32 + 36
Արագածոտնի նախալեռներ	+20 + 22 +32 + 37	Երեւան	+20 + 22 +36 + 38

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 2.8.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: